

Uunga siunnersuut: Sanaartornermi neqerooruteqartitsisarneq pillugu Inatsisartut inatsisaata allanngortinneqarnissaa pillugu Inatsisartut inatsisaat nr. xx, xx. xxx 2020-meersoq

(Aningaasanut killigititassanik iluarsiineq, atuuffinnik erseqqissaaneq, siumoortumik neqerooruteqartitsinani aamma isumaqatigiiffiusumik neqerooruteqartitsinani suliariumannittussarsiuussisarnissamik piumasaqaatit pillugit aalajangersakkat, siumoortumik nalunaaruteqartarnissamik atuutsitsilerneq kiisalu Neqerooruteqartitsisarnermut Maalaaruteqartarfik pillugu aalajangersakkanik atorunnaarsitsineq)

§ 1

Sanaartornermi neqerooruteqartitsisarneq pillugu Inatsisartut inatsisaanni nr. 11, 2. december 2009-meersumi, Inatsisartut inatsisaatigut nr. 4, 15. april 2011-meersukkut aamma Inatsisartut inatsisaatigut nr. 18, 22. november 2011-meersukkut allannguuteqartinneqartumi allannguutissat uku aalajangersarneqarput:

1. § 1, imm. 2, nr. 1 imatut oqaasertalerneqassaaq:

”1) Kalaallit Nunaanni Namminersorlutik Oqartussat, ingerlatseqatigiiffiit aalajangiisarnermi Kalaallit Nunaanni Namminersorlutik Oqartussat sunniuteqarfigisaat kiisalu kommunini oqartussaasut ingerlatseqatigiiffillu, aalajangiisarnermi kommunit sunniuteqarfigisaat.”

2. § 1, imm. 3, nr. 2 imatut oqaasertalerneqassaaq:

”2) Namminerisamik inissialioriternerit, inissianut aningaasalersuisarneq pillugu Inatsisartut inatsisaat naapertorlugu taarsigassarsinissamik neriorsuuteqarfiusut.”

3. § 8, imm. 1 immikkoortuisa aappaanni ”300.000 koruunit” imatut allanngortinneqassaaq: ”500.000 koruunit”.

4. § 13-imi imm. 2-tut invertinneqassaaq:

” Imm. 2. Aammattaaq killilimmik suliariumannittussarsinnaanngerterit siumoortumik neqerooruteqartitsiviunngitsumik ingerlanneqarsinnaapput, nunap immikkoortuani pissutsit peqqutaallutik entreprenørit najugaqartut kisimik neqerooruteqarsinnaanissaat naatsorsuutigineqartillugu, aammaluu killilimmik neqerooruteqartitsinissamut § 25 a, imm. 4 naapertorlugu aggersaasoqarsimatillugu.”

5. § 20 imatut oqaasertalerneqassaaq:

” **§ 20.** Neqerooruteqartut, § 1, imm. 2-mut ilaatinneqartut sanaartugassanut siumoortumik neqerooruteqartitsinermik pissarsiniarsinnaanngillat, matumani pineqanngippata:

- 1) sanaartugassat katillugit 1.500.000 koruuninik taakkuluunniit inorlugit nalillit,
- 2) sanaartugassat annertussutsimikkut, pitsaassutsimikkut piffissalluunniit ingerlanissaar eqqarsaatigalugu ajornakusoortorujussuarmik neqerooruteqartitsinissamut tunngavissat aqutigalugit aalajangersarneqarsinnaasut, soorlu misiliilluni suliat, ilisimatusarnerit

ineriartortitsinerillu ilaat imaluunniit iluarsartuussinerit, iluarsaassinerit allanngortitsinerillu, suliassalluunniit isumannaallisaaneq eqqarsaatigalugu kinguartinneqarsinnaanngilluinnartut, 3) suliariumannittussarsiuussinermi neqeroorummik, tassungalu ilanngullugu aningaasa-qarnermut peqqussutiluunniit malillugit naleqquatumik tigusisoqarsimangippat, imaluunniit aallaqqaammut neqerooruteqartitsinermi piumasaqaatit annertuumik allannguuteqarsim-tinnagit siumoortumik neqerooruteqartitsinissaq pillugu allagarsiinermi qinnuteqaatinik tigusaqartoqarsimangippat, 4) nunami pissutsit pissutsilluunniit allat peqqutaallutik suliffeqarfiiit aalajangersimasut pingasut tikillugit kisimik sanaartugassanik suliaqarnissamut perarfissaqarpata, aammalu § 25 a, imm. 4 naapertorlugu isumaqatigiiffiusumik neqerooruteqartitsinissamut aggersaaso-qarsimappat, imaluunniit 5) pissutsit aalajangiisuusussat immikkut ittut allat peqqutaallutik entreprenørifik aalajangersimasumik toqqaasoqartariaqarpat.”

6. Kapitali 6-ip kingorna ivertinneqassaaq:

”Kapitali 6 a *Siumoortumik nalunaaruteqartarnerit*

§ 25 a. Neqerooruteqartitsisup siumoortumik nalunaaruteqarnermigut, suliassat imaluunniit suliassat taakku ilaannit ilaasa suut neqerooruteqartitsisup neqerooruteqartitsiviginiarnerai saqqummiussinnaavai. Siumoortumik nalunaarut tusagassiorfitsigut imaluunniit tusagassiorfiit elektroniskiusut aqqutigalugit allagarsiinkut tamanut ammasumik saqqummiunneqassaaq.

Imm. 2. Suliassanut ataasiakkaanut siumoortumik nalunaarut suliassaq sularitinniagaq pillugu allaaserisamik naatsumik, kiisalu suliassap sularineqartussap sumiinneranut aamma-lu piffissamut suliassap aallartiffissaatut naatsorsuutigineqartumut allagarsiinerusinnaasunullu paasissutissanik imaqassaaq.

Imm. 3. Siumoortumik nalunaarut taamaallaat suliassanut, ullormit siumoortumik nalunaarutip tamanut ammasumik saqqummiunneqarfianit naatsorsorlugu neqerooruteqartitsisup sivisunerpaamik qaammatit 12-it iluanni neqerooruteqartitsivigitissallugu pilersaarutigisaanut atuutissaaq.

Imm. 4. Neqerooruteqartitsisup siumoortumik neqerooruteqartitsinani aamma isumaqati-giiffiusumik neqerooruteqartitsinani suliariumannittussarsiuussisarnissami, neqeroorute-qarnissamut soqtiginnittunik aggersaanikkut siumoortumik nalunaaruteqartarneq atorsinnaavaa. Siumoortumik nalunaarut neqerooruteqartitsisup suliassamut aalajangersimasumut neqerooruteqartitsinermik aallarniinissa kingusinnerpaamik sapaatit akunnerinik arfineq pingasunik sioqquillugu tamanut ammasumik saqqummiunneqassaaq, taannalu suliassat suut ilaatinneqarnersut, sumiiffik aammalu isumaqatigiissutip naammassinissaanut piffissaq, kiisalu soqtiginnittut saaffiginninnissaannut piffissaq killiliussaq pillugu paasissutissanik imaqassalluni.

Imm. 5. Neqerooruteqartussat, imm. 4 naapertorlugu siumoortumik nalunaaruteqarnissamut piffissaliussap naannginnerani soqtiginninnerminnik saqqummiussisut neqerooruteqarnissa-

mut qinnutigineqarsinnaapput, tamatumali saniatigut tamatumunnga inatsisitigut piumasaqaa-teqarsinnaanatik.

Imm. 6. Imm. 4 naapertorlugu siumoortumik nalunaaruteqarneq pillugu maalaaruteqarnissamut, ullormit siumoortumik nalunaarutip saqqummiunneqarfianit piffissaq maalaaruteqarfiussaqq sapaatit akunnerinut sisamanut killilerneqarpoq, Pisortani Pisiniartarnernut Neqerooru-teqartitsisarnermut Maalaaruteqartarfik pillugu Inatsisartut inatsisaanni § 5, imm. 1 malillugu.”

7. § 26 imatut oqaasertalerneqassaaq:

” § 26. Inatsisartut inatsisaat manna, imaluunniit maleduagassat, Inatsisartut inatsisaat manna naapertorlugu aalajangersarneqartut naapertorlugit aalajangiinerit Pisortani Pisiniartarnernut Neqerooruteqartitsisarnermut Maalaaruteqartarfik pillugu Inatsisartut inatsisaanni maleduagassat naapertorlugit maalaarutigineqarsinnaapput.”

8. §§ 27-34 atorunnaarsinneqassapput.

§ 2

Inatsisartut inatsisaat manna 1. januar 2021-mi atuutilissaaq.

Kalaallit Nunaanni Namminersorlutik Oqartussat, ulloq xx. xxx 2020

Kim Kielsen